



Pou Piblikasyon Imedya: 04/10/2023

GOUVÈNÈ KATHY HOCHUL

## ANVAN YON SEZON VWAYAJ CHAJE, GOUVÈNÈ HOCHUL ANONSE KE AYOPÒ JFK AP AKSEPTÉ PEMAN PA OMNY APATI MADI 10 OKTÒB LA

***Nouvo sistèm pèman tikè a pral aksepte kat debi/kredi san kontak, pòtfèy dijital ak kat OMNY***

***AirTrain rete gratis pou deplasman ant tèminal yo***

Gouvènè Kathy Hochul, Otorite Pòtyè New York ak New Jersey (Port Authority of New York and New Jersey) ak Otorite Transpò Metropoliten (Metropolitan Transportation Authority, MTA) te anonse jodi a ke AirTrain JFK ap kòmanse aksepte pèman biyè pa lektè pèpan san kontak "Tap and Go" OMNY MTA a apati madi 10 oktòb. OMNY ap disponib nan pòt ki chwazi yo alafwa nan estasyon Jamaica ak Howard Beach, kote yo biyè ale senp 8.25 obligatwa pou antre oswa soti nan sistèm lan, epi AirTrain lan rete gratis pou deplase ant tèminal ayopò yo.

"N ap rann li pi fasil ke jamè pou vwayajè yo pou fè tren pou ale nan JFK, ak pou vizitè nan gran vil nou an itilize youn nan sèvis ki pi esansyèl li yo – MTA," **Gouvènè Hochul te deklare.** "Pandan n ap kontinye deplwaye OMNY nan tout sistèm nan, mwen ankouraje tout moun pou pwofite de sèvis sa ak sekirite pou deplase."

Nouvo sistèm pèman tikè a ap aksepte kat debi/kredi san kontak, pòtfèy dijital ak kat OMNY. Pòt tikè ki aksepte MetroCards yo ap rete disponib ak yon opsyon pou kliyan yo. Enstalasyon inisyal OMNY nan estasyon Jamaica ak Howard Beach yo reprezante premye faz pwosesis entegrasyon an. Kantite pòtay ki ekipe ak OMNY yo ap ogmante regilyèman sou 15 pwochen mwa yo. Vè fen 2024, lektè san kontak "Tap and Go" OMNY yo ap entegre konplètman nan tout pòt tikè yo.

**Direktè Egzekitif Otorite Pòtyè New York ak New Jersey a, Rick Cotton, te deklare,** "Nou kontan anpil pou amelyore pakou chak kliyan atravè enstalasyon nou yo epi entegrasyon pèman san kontak ki fasil pou itilize sa nan AirTrain JFK sipòt angajman sa. Sistèm pèman san kontak tankou OMNY bay yon metòd tap-and-pay (peze epi peye) ki pratik epi rapid alafwa pou rezidan rejyon nou an ak pou vwayajè ki soti nan lòt pati nan Etazini ak nan lòt peyi."

**Prezidan Otorite Pòtyè New York ak New Jersey a, Kevin O'Toole, te deklare**, "Nan ayopò yo, travay nou se bay yon eksperyans kliyan ki konsistan, klas mondal pou vwayajè toupatou nan mond lan. Lektè san kontak yo ofri vwayajè yo yon opsyon pèman tarif san traka, ki entuitiv, epi k ap amelyore eksperyans konsomatè a anpil nan AirTrain JFK."

**Prezidan ak Direktè Egzekitif Jeneral MTA, Janno Lieber, te deklare**, "An septanm, kliyan metwo ak bis yo te peze plis pase 2 milyon fwa nan yon sèl jou, epi kounye a y ap kapab itilize OMNY nan AirTrain JFK pou sikilasyon pasaje ki pi rapid pou ale epi soti nan ayopò a. Ke w ap dirije pou ale pran yon tren oswa retounen lakay ou nan New York, pasaje AirTrain yo kapab pwofite de avantaj konplè mwayen ki fè ekonomi tan epi transparan sa pou deplase nan vil la."

**Prezidan Kontriksyon ak Developman MTA a, Jamie Torres-Springer, te deklare**, "Sa se yon gwo etap pou mizanplas konplè OMNY an nan tout reyon New York la. Kounye a, ke ou abite nan New York oswa ou jis ap vizite, ou ka eksperimante fasilité ak fyabilite tap-and-go."

**Reprezantan Gregory W. Meeks, te deklare**, "Dènye anons sa vle di plis fasilité toujou pou pasaje ki vle pwofite de opsyon transpò an komen kominotè nou yo. Modèl tap-and-go yo te demonstre ke yo pi rapid, men yon mwayen ki pi sekirize pou deplase tou. Mwen pa ka tann pou plis moun eksperimante avantaj AirTrain JFK a."

**Manm Konsèy Vil New York, Nantasha Williams te deklare**, "Mwen kontan anpil pou wè integrasyon OMNY ak Air Train lan nan JFK, yon etap enpòtan pou amelyore fasilité transpò pou Nouyòkè yo. Avans teknologik sa pa sèlman rasyonalize deplasman yo men souliyen tou angajman nou pou fè transpò pi aksesib epi pi efikas pou elektè nou yo. Inovasyon sa ap favorize repitasyon Anba Lavil Jamaïca kòm youn nan sant transpò an komen ki pi aksesib han awondisman ekstèn yo."

Kliyan kach oswa sila ki pa gen yon metòd peman san kontak yo ka achte tout pwodui MetroCard ki disponib aktyèlman yo nan distribitè MetroCard, Hudson News oswa Metro News yo, apre sa itilize pòt tikè MetroCard yo. Kat 30 jou san limit ki egziste yo ak kat 10 vwayaj a rabè pou gwoup oswa moun ki vwayaje souvan sou AirTrain JFK yo disponib atravè MetroCard AirTrain ke yo ka achte nan distribitè otomatik MetroCard estasyon yo oswa nan vant an detay sou plas yo.

Kliyan ki gen tarif redui ki pa ka itilize MetroCard tarif redui pou klise nan pòt AirTrain JFK a ka touche ak aparèy pèman san kontak ki lye ak kat bankè tarif redui yo a oswa kat OMNY an nan lektè OMNY AirTrain JFK epi peye tarif AirTrain konplè a.

Estasyon AirTrain JFK yo fonksyone 24 sou 24, sèt jou sou sèt ak ajan sèvis kliyan ki disponib sou plas pou asistans. Pousantaj mache pou tikè metwo peye OMNY an kontinye nan nivo 45 pouzan oswa plis.

Kliyan yo te pase kat yo nan sistèm transpò an komen an plis pase yon miya fwa, ak moun ki te peze milyadyèm fwa nan dat 26 jiyè. Nan Sondaj kontaj kliyan sezon otòn 2023 a, OMNY te afiche yon pouvantaj satisfakson nan pèman tarif 79%. Kliyanyo te pase kat yo nan tout 472 estasyon metwo yo epi anbake sou 204 wout bis lokal ak 31 bis eksprès. OMNY trete kat bankè nan chak nan 195 peyi ki soti yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)